## 善恶因果皆自心之感召,不可谓为佛设|印光大师开示

地藏占察入净土 2017-09-07



阅来书,知汝聪明尚不彻底,故以儒佛之因果与世间王法之赏罚同论,则似有理,而实无理矣。<u>世间赏罚,约人情为定;因果,乃心识所感召。</u>儒、释无二道。汝以儒所未发明者,谓儒尽乎此,此亦汝聪明不彻底之一证。夫<mark>善恶因果皆自心之感召,世人不知,佛为详说,汝谓佛设,岂真聪明乎哉</mark>?果报之来,有在即刻即世者,有在来生后世及多生多劫者。汝嫌报远,而欲令速报,则成邪见。须知超凡入圣,了生脱死,以至成佛之果报,皆在多劫。虽曰:"放下屠刀,立地成佛",而实证佛果,也须多劫。且莫以一悟佛性为实证佛果。若如汝说,则世无一人能了生死,况成佛乎?汝若知此,则不至怪佛为酷烈,当感佛为慈悲,而痛哭流涕以告同伦也。汝嫌不速报,而不知不速之大利益,乃夏虫不知有冰,蜉蝣不知有来日之见,可不哀哉。夫报之迟速,皆自业识所感,何可推之于佛?

以汝之聪明,意地中尚有知而故犯之过,可知寡过一事,虽圣人尚须努力。故孔子行年七十,尚欲天假或五或十之数年,以期学《易》而免大过。儒者见浅,谓为圣人过谦,而不知圣道之深,非一悟即可彻底也。余且勿提,以圆教论,初信断见,七信断思,八、九、十信破尘沙,伏无明。于十信后心,再破一分无明,即证初住,即法身大士。从初住,至十住、十行、十回向、十地、等觉,历四十一位,尚未到无明净尽地位。等觉,再破一分无明,则真穷惑尽,而成圆满菩提之佛果矣。此善报之远者,而恶报之远者,当亦相埒。况尚有修因证果,以至成佛之时乎?<u>若事事皆一时即了,则便成无因无果之断灭深坑。</u>不观天道运行乎?夏至一阴生而大热,冬至一阳生而大寒。立春有在过年前,有在过年后,则一一不皆一时俱尽,方成岁时。若一时俱尽,则不成运行,而成断灭矣。

至于罪福之赏罚,阴间实有主掌之人,然亦不同阳间繁难。以案簿皆自现自消,并非有人登记勾消耳,故阴间无错误。其有以彼省某人,误勾此省同名之某人者,乃藉此不宜死之人,倡明实有阴间地狱刑罚等事,以期世人生信耳。以故每有世间正直士夫权理阎罗王事。世间平民作阴差,因误勾人,打而革除者,皆因穷措大(措大者,举行修齐治平之大事也),以眼不见而不信,且藉以谤佛,而特现此,以冀措大开一眼光耳。此事甚多,且举一,以期俱知。《蕅益大师见闻录》载湖北一生员,权理五殿阎罗王事。一夜至阴间,见一簿,载其妻盗杀邻鸡,连毛一斤十二两,因折其簿角记之。醒问其妻,何得盗杀邻鸡。其妻不承认,曰:"汝还瞒我,阴间簿上已载,汝盗杀邻鸡,连毛一斤十二两。"妻言:"院中晒东西,鸡来吃,以物掷之,即死,尚未动。"令称之,果一斤十二两。令持鸡,并一鸡之价钱以还,为彼说其来历,祈勿见怪。其夜入

## 阴视簿,则折角仍旧,一字已无矣。汝以阴间刑罚为佛设,可谓辜负佛恩之尤者矣。

汝书字小,光目极昏,略举要者,释汝之疑。汝果知此,则当一心念佛求生西方。当知汝之得大利益,由汝儿女而始,况生西后之利益,以至圆满佛果为止。若不自量,从兹研究性、相、禅、密各宗,不以念佛为事,则或可做一个半串子通家,而了生脱死,当在驴年矣。光老矣,目力不给,以后不许又来信,即祈妙师代问,亦不复。何以故?以汝非举一而明三者,纵一一示之,亦仍是一一一一,而不能圆通耳。

——《复某居士书》

## 結緣 從這裏開始 ▷

占察净土一相逢,生活修行再不同。 两大愿王亲摄取,直登九莲出牢笼。



扫描二维码关注 地藏占察入净土道场

点击"阅读原文"进入博客, 学习更多占察案例和师父开示

